


Biblia alang sa Kabataan
motanyag

Si Samson,
ang
Kusog
nga Tawo
sa Diyos



Gisulat ni: Edward Hughes

Gihulagway ni: Janie Forest
Alastair Paterson

Gipahaom ni: Lyn Doerksen

Gihubad ni: Mel Lorell Abugho,
Cheryn Mabano Abugho

Gipagawas sa: Bible for Children
www.M1914.org

©2023 Bible for Children, Inc.

Pagtugot: Mahimo kang mokopya o mopatik niini
nga estorya, ayaw lang ibaligya.




Sa Dugay na, sa yuta sa Israel, may nagpuyo nga usa ka tawo nga ginganlan ug Manoa. Siya ug ang iyang asawa walay anak. Usa ka adlaw niana ang Anghel sa GINOO nagpakita kang Ginang Manoa. "Makabaton ka ug usa ka espesyal kaayo nga bata," Siya miingon.




Gisultihan niya ang iyang bana sa nindot na balita.
Si Manoa nag-ampo, "Oh akong Ginoo... balik
kanamo pag-usab. Tudloi kami unsay among
buhaton alang sa bata."





Ang Anghel misulti ni Manoa nga ang bata kinahanglang dili gayod magpaputol sa iyang buhok, kinahanglang dili gayod moinom ug alkohol, ug kinahanglang dili gayod mokaon ug pipila ka pagkaon.

Ang Ginoo nagpili aning bataa na mamahimung maghuhukom. Siya ang mangulo sa Israel.






Ang mga
katawhan
sa Diyos
nagkinahanglan
gayod ug tabang. Ilang
gibiyaan ang Dios gawas
sa ilang mga kinabuhi,

ug unya sila gidaugdaug sa ilang mga kaaway, ang mga
Filistehanon. Apan sa dihang sila nag-ampo gidungog
sila sa Dios. Gipadala niya kini nga bata nga
mamahimong labing kusgan nga tawo sa kalibutan.



“Ug busa ang babaye nanganak ug usa ka anak nga lalake ug gitawag nila kini sa pangan nga Samson: ug ang bata mitubo, ug gipanalanginan kini sa Ginoo. Ug

ang Espiritu sa Ginoo misugod sa paglihok diha kaniya.” Ug si Samson nahimong kusgan kaayo. Usa ka adlaw niana nakig-away siya sa usa ka batan-ong leyon gamit ang iyang mga kamot - ug gipatay kini!





Ug unya, si Samson nakatilaw ug dugos gikan sa panon sa mga putyokan nga nagsalag sa patayng lawas sa leyon. Siya naghimu ug tigmo: "Gawas sa kumakaon miabot ug makaon ug gikan sa kusgan naay niabot nga tam-is."






Walay makatag-an sa
buot ipasabot - apan ang
bag-ong asawa ni Samson, usa ka
Filistehanon, misulti sa iyang mga higala.
Ug kini gikasuko pag-ayo ni Samson.




Kini nakapasuko pag-ayo ni Samson sa dihang ang iyang asawa gihatag sa mga Filistehanon ngadto sa iyang suod na higala na mamahimu kini iyang asawa. Nagplano siya nga manimalos. Pero unsaon? Una, nakadakop si Samson ug 300 ka lobo.


Unya gihigot niya ang ilang mga ikog sa tinagurha, ug gibutangan niyag nagdilaab nga mga sulo sa taliwala nila.




Unya gibuhian ni Samson ang mga lobo sa kaumahan sa mga Filistehanon!




Karon ang mga Filistehanon buot manimalos. Ug gitugotan ni Samson ang iyang kaugalingon nga dakpon, gigapos ug gitugyan aron patyon sa mga Filistehanon.



Apan ang Espiritu sa Ginoo
mikunsad kang Samson.
Giputol niya ang mga pisi,
mipunit ug bag-ong bukog sa
apapangig gikan sa patay nga
asno, ug nakapatay ug 1000
ka kaaway.



Gipangita sa mga Filistehanon si Samson. Usa ka gabii niana, ilang gitanggong si Samson sa usa ka siyudad ug gitrangkahan ang mga ganghaan sa siyudad. Apan milakaw si Samson - nga nagpas-an sa mga




ganghaan
sa siyudad sa
iyang mga abaga!




Apan si SAMSON gipakyas niya ang Diyos. Gihatagan siya sa Diyos ug kusog basta siya motuman. Usa ka adlaw, gipaambit ni Samson ang sekreto sa iyang kusog kang Delila, usa ka matahom nga espiya sa Filistehanon. Gipakiskis niya ang usa ka lalaki sa buhok ni Samson samtang natulog siya.






Dayon ang mga
Filistehanong sundalo
giatake si Samson sa
kwarto ni Delila. Ug
miskuol pag-ayo si
Samson - apan ang
iyang kusog nawala na.
Gilugit sa iyang mga
kaaway ang iyang mga
mata.



Buta ug huyang, si Samson nahimong ulipon sa mga Filistehanon. Sila mikatawa ug gibugalbugalan nila ang alagad sa Diyos.




Ang mga Filistehanon
adunay usa ka kombira.
Ilang gidayeg ang ilang
diyos sa isda, si Dagon,
sa pagtugyan kang
Samson ngadto sa ilang
mga kamot. Nag-inom
sila ug naglipay sa templo
ni Dagon. Ug ilang
gitawag si Samson na
mopasundayag alang
kanila.




Gidala sa usa ka bata nga lalaki si Samson, ug gipasandig niya kini sa mga haligi nga nagpugong sa templo. Adunay 3000 ka Filistehanon sa atop, ug

daghan pa sa templo, ang tanan nagbiaybiay kaniya.




Apan ang buhok ni Samson nagsugod na sa pagtubo sa bilanggoan. Karon nag-ampo siya, "O GINOONG Dios, lig-ona ako niining makausa na lang, aron ako

makabalos sa akong duha ka mata."



Hatagan pa ba sa
Diyos ug kusog
si Samson?



Mahimo ba ni Samson ang
imposible? OO! OO! sa
pagpamugos ug pagbayaw,
gipugos ni Samson ang
pagbulag sa dagkong mga
haligi. Naguba
ang templo
ni Dagon, nga
nakapatay sa
liboan ka mga
Filistehanon -
ug kang
Samson!



Si Samson, ang Kusog nga Tawo sa Diyos
Estorya gikan sa Pulong sa Dios, ang Biblia,
makita sa

Mga Maghuhukom 13-16

"Ang pag-abot sa Imong mga Pulong
nagahatag og kahayag." Salmo 119:130





Ang Kataposan

Kini nga estorya gikan sa Biblia nagasulti kanato bahin sa kahibulongan nga Dios nga nagbuhat kanato ug gusto Niya nga kita makaila Kaniya.

Nahibalo ang Dios nga nakabuhat kitag daghang daotan. Gitawag Niya kini nga sala. Kamatayon ang silot sa sala. Pero nahigugma pag-ayo ang Dios kanato. Iyang gipadala ang bugtong Niyang Anak nga si Jesus aron mamatay sa Krus ug silotan tungod sa imong mga sala. Unya nabanhaw si Jesus ug mibalik sa Langit! Kon motuo ka kang Jesus ug mohangyo nga pasayloon ka sa imong mga sala, himoon kana Niya! Moanha Siya ug mopuyo sulod kanimo karon, ug mopuyo ka uban Kaniya hangtod sa kahangtoran.

Kon motuo ka nga kini ang tinuod, ingna ang Dios:
Ginoong Jesus, ako nagatuo nga Ikaw Dios, ug nahimong tawo aron mamatay alang sa akong mga sala, ug karon Ikaw nabuhi pag-usab.

Anhi sa akong kinabuhi ug pasayloa ang akong mga sala, aron mabag-o ang akong kinabuhi karon, ug unya makig-uban ako Kanimo hangtod sa kahangtoran. Tabangi ako nga motuman Kanimo ug magkinabuhi alang Kanimo ingon nga Imong anak. Amen.

Basaha ang Biblia ug pakigsulti sa Dios kada adlaw! Juan 3:16

